



ԵԿԵՂԵՑԱԿԱՆ ԲԵՄ. ԼՈՒՐԵՐ

Հունվարի 1-ին, շաբաթ.—Նոր տարվա առաջին օրը Մայր տաճարում տարեմուտի և պատարագ է մատուցում Ս. Եվսիկ քին. Պետրոսյանը:

Հավարտ և. պատարագի պատարագից տեր հայրը Իջման Սուրբ Սեղանի առաջ քարոզում է քրիստոնյայի կոչման, բարոյական վարքագծի և եղբայրական սիրո մասին:

Այնուհետև Վեհափառ Հայրապետի նախագահությամբ կատարվում է Հայրապետական մաղթանքի հանդիսավոր արարողություն:

* *

Հունվարի 2-ին, կիրակի.—Այսօր Մայր տաճարում, Ավագ Խորանի վրա, և. պատարագ է մատուցում Ս. Հակոբ քին. Գյուկչյանը և «Հայր մեր»-ից առաջ քարոզում «Եւ ինձ պարտ է գործել զգործս այնորիկ որ առաքեացն զիս, մինչ ատուր կայ. գայ զիջեր, յորժամ ոչ ոք կարէ գործել» (Հովհ. Թ 4) բնաբանով:

* *

Հունվարի 7-ին, ուրբաթ.—Յիշատակ մեներց.

Այսօր Մայր տաճարում, Ավագ Խորանի վրա, և. պատարագ է մատուցում Ս. Եղիշե քին. Բաղդամյանը:

Հավարտ և. պատարագի կատարվում է հոգեհանգստյան պաշտոն՝ «Վասն համօրէն ննջեցելոց»:

* *

Հունվարի 9-ին, կիրակի.—Այսօր Մայր տաճարում, Ավագ Խորանի վրա, և. պատարագ է մատուցում Ս. Ստեփանոս վարդապետ Չաքալյանը և «Հայր մեր»-ից առաջ քարոզում «Գող ոչ գայ, եթէ ոչ զի գողացի եւ սպանցէ եւ կորուսցէ. ես եկի զի զկեանս ունիցին, եւ առաւել եւս ունիցին» (Հովհ. Ժ 10) բնաբանով:

Հավարտ և. պատարագի Վեհափառ Հայրապետի նախագահությամբ կատարվում է հոգեհանգստյան կարգ՝ նվիրված նորոգ

հանգուցյալ, Մայր Աթոռի Գերագույն Հոգևոր Խորհրդի անդամ Հայկ Մելքոնյանի հիշատակին:

* *

Հունվարի 12-ին չորեքշաբթի.—Այսօր, երեկոյան, Վեհաբանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ:

* *

Հունվարի 13-ին, հինգշաբթի.—Տօն անուանակոչության Տեառն մերոյ Յիսուսի Քրիստոսի:

Այսօր Մայր տաճարում, Ավագ Խորանի վրա, ս. պատարագ է մատուցում Ս. Մանուկ քին. Մարգարյանը:

* *

Նույն օրը ուխտավորաբար Մայր Աթոռ Ս. Էջմիածին են այցելում Մոսկվայի հոգևոր ակադեմիայի ուսանողներ Վիկտոր Վաշչուկը (ռուս պրավոսլավ եկեղեցի), Ս. Սավա արեղան (Սերբիայի պրավոսլավ եկեղեցի), Կիրիլ Պոպովը (Բուլղարիայի պրավոսլավ եկեղեցի) և Գեորգ Ցալը (Չեխոսլովակիայի պրավոսլավ եկեղեցի):

Հյուրերին «Ձվաթևոց» օդանավակայանում դիմավորում և բարի գալուստ է մաղթում Մայր Աթոռի միաբան Ս. Մոմիկ վրդ. Սարգսյանը:

Այնուհետև Վեհափառ Հայրապետը բարեհաճում է ընդունել նրանց և տալ Իր հայրական օրհնություններն ու մաղթանքները:

Քույր եկեղեցիների ուխտավորները հունվարի 13—15 օրերին եղան պատմական Վաղարշապատի վանքերում, այցելեցին մայրաքաղաքի Ս. Սարգիս եկեղեցի: Նրանք ուխտագնացություն կատարեցին Ս. Գեղարդի և Խորվիրայի վանքերը: Ապա այցելեցին հոգևոր ձեմարան, որից հետո՝ Ս. Մեսրոպ Մաշտոցի անվան Մատենադարան և Ծիծեռնակաբերդ:

Մայր Աթոռում գտնվելու օրերին նրանց ուղեկցում էր Մոմիկ վրդ. Սարգսյանը:

* *

Հունվարի 16-ին, կիրակի.—Այսօր Մայր տաճարում, Ավագ Խորանի վրա, ս. պատարագ է մատուցում Ս. Մոմիկ վրդ. Սարգսյանը և «Հայր մեր»-ից առաջ քարոզում «Մահումբ արդարոց ոչ կորնչի յոյսն» բնաբանով:

Պատարագից հայր սուրբը քարոզի ընթացքում խոսում է նորոգ հանգուցյալ, սփյուռքահայ գրող և հասարակական գործիչ, Գալուստ Կոլպենկյան հիմնարկության հայկական բաժնի վարիչ Վահրամ Մավյանի կյանքի և գործունեության մասին:

Հավարտ ս. պատարագի Վեհափառ Հայրապետի նախագահությամբ կատարվում է հոգեհանգստյան կարգ՝ նվիրված Վահրամ Մավյանի հիշատակին:

* *

Հունվարի 19-ին, չորեքշաբթի.—Այսօր Վեհաբանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ:

Հավաքույթի ընթացքում Ս. Հայկապուն արեղա Նաջարյանը հանդես է գալիս Ս. Բարսեղ Մեծի սահմանած վանական կյանքի օրենքների մասին բանախոսությամբ:

* *

Հունվարի 23-ին, կիրակի.—Այսօր Մայր տաճարում, Ավագ Խորանի վրա, ս. պատարագ է մատուցում Ս. Հայկապուն արեղա Նաջարյանը և «Հայր մեր»-ից առաջ քարոզում «Ձի այնպես սիրեաց Աստուած պաշխարհ, մինչեւ վրդին իւր միածին ետ. քի ամենայն որ հաւատայ ի նա՝ մի կորիցէ, այլ ընկալցի վկեանսն յախտենականս» (Հովհ. Գ 16) բնաբանով:

Սուրբ պատարագին ներկա էր Վեհափառ Հայրապետը:

* *

Հունվարի 30-ին, կիրակի.—Այսօր Մայր տաճարում, Ավագ Խորանի վրա, ս. պատարագ է մատուցում Ս. Նարեկ քին. Մատարյանը:

Սուրբ պատարագին ներկա էր Վեհափառ Հայրապետը: